

潼關縣新志  
卷之上  
縮青署



潼關縣新志序

往者新城王文簡公云明代名志多出於秦噲人口者約十種而武功朝邑爲之最四庫提要亦謂其簡括有法間嘗取其書讀之信乎其辭之潔也亦越有清秦中方志率成於乾隆之時蓋其時國家旣重熙累洽而畢鎮洋以宏達撫陝洪北江孫淵如劉長明之倫悉居幕府敷政之暇搜碑碣以訂金石稽掌故以續文獻故關輔志乘多成斯時而孫志醴泉洪志淳化尤與古作者合符而後來者稱述焉洵可謂一時盛軌已嗣是固始蔣子瀟以樸學大師主關中豐登講席先後成同州三原涇陽志考核詳審世

潼關縣新志

序

一

推佳製余修鳳官定遠倣其鄉人李元度平江志式爲定遠廳志繁徵廣引亦稱富博蓋明代方志多失蕪濫故康韓矯之以峻絜清自屢開鴻博崇尚考据故諸作多趨於博麗雖繁簡不同然其爲佳構則一也潼關之爲地華屏於南河缺其北山水雄特麗處也秦漢以來嘗爲要隘關中東門之管寄焉沿革靡常掌故弗嚴初志止康熙續志訖嘉慶邇來又百餘年矣同年友趙君綰青今續之旣脫稿問序於裕裕於此道退之所謂望門牆而未入者烏足知志書義法而漫綴一辭乎顧吾聞洪北江云武功志雖絜而典章制度率多遺漏然史記記二千年事循吏傳僅

列五人果可資法戒又奚必以多爲貴乎茲編旣式武功志約爲八篇釐爲二卷未知於康氏志何如然提要評德涵書謂一削繁濫之例茲編也其殆庶矣世界關中外通歐鉛墨槩附舶而來一二時彥謂非革舊文學通用語體不足以普教育而智平民夫語體便平民固也然登大雅之堂網羅放佚述往事詔來者以巷語街談出之其能入通人之目而行之遠乎姚惜抱云大丈夫寧犯天下之所不韙而不爲吾心之所不安其臨文也亦若是焉已矣抑又聞莊生云逃空虛者聞人足音蛩然而喜經史傳記之束閣久矣今睹是編寧止足音而已哉蜀山震而洛鐘應

窃幸斯道之不孤也故略述方志之變遷而附以論文之說知言君子省覽焉同年愚弟馮光愚孝伯敬序

潼關縣新志序

今之縣古之國也今之縣志古之國史也一縣之沿革利弊凡有關於政教者莫不於志焉寓之而官斯土者將欲敷政施教亦必於志焉徵之故志者一縣之至要而尤爲服官者之所急需况潼關縮轂山河地當秦晉豫之交險阻天成馳名海內過客東西來者莫不徵求縣志爭以先睹爲快然舊志之存者止一二帙愧無以應也亟與邑紳謀翻印百部以餉閱者顧自前清嘉慶二十二年至於今日一百二十年之掌故尙付闕如予嘗引以爲恨因請趙先生縮青出而纂輯之先生邑名孝廉也幼攻古文辭長

潼關縣新志

序

三

膺民社卓著循聲吾知其於方志之義例必能得其奧蘊矣果不數月而告成詳而不蕪簡而能賅信足以昭垂後世而爲人人之所頌歎吾旣慶舊志之不廢於前復睹新志之踵成於後匪獨一邑之幸抑亦後之長民者所由考鏡得失藉以改良政教之先資也豈不美哉故不揣不佞喜而爲之序

中華民國二十年十一月潼關縣長安康羅傳甲開先甫

謹序

潼關縣新志

關中名志甲天下吾鄉先達王漁洋曾屢稱之而尤以康對山之武功志爲首著云蓋嘗取而讀之信乎其有達於史裁也吾意繼此之後必有聞風興起者吾將搜訪焉或於吾身親見之今年游幕關門時以徵文考獻爲事冀以償其夙心而趙君綰青之潼關縣新志果特出綰青少負才名博學能文邑魯靈光也方其修志時吾嘗與友人造訪作終日談始知其討論有素蓋於方志之體例義法無不煥然神明宜其去取精嚴文成法立而有異乎流俗之所爲吾尤佩其識解之卓越而有益於人世者滋多篇中

潼關縣新志

序

四

如論寺廟而刪除淫祀論田賦而言及地質官師則汰充位之員婚姻則詳瀆倫之害尤足以矯既往之失匡當時之謬非通古今之變者其孰能與於斯以之媲美對山夫何間然獨惜吾非漁洋力不足以振之耳然美玉精金稍有目者莫不爲之鑒賞又豈俟予言爲重輕哉抑又聞之有節婦辛氏者老儒女也習聞庭訓知君之文足垂不朽聞君修志問人云節婦可載入否或漫應之曰須俟死後氏卽仰藥自裁嗟乎君之文在當世猶足以感人如此後之讀者吾不知其仰慕感奮又當何如也氏誠烈矣然斯志之重有關於世道人心也不益大可見哉吾故叙次其

大略並附以所聞以爲覽斯志者發焉

民國二十年十月潼關縣府秘書山東日照縣蕭萬康謹

敘

潼關縣新志

序

五

潼關縣新志凡例

或問編內資料多取舊志謂之新志者何曰譬如入室數楹有工師焉重行建築易其形式更其方向雖材木不盡新購然仍謂之舊室不得也新志之意亦猶是爾

或問官師篇內名氏頗多止載善者與不善者此外概付闕如於義何居曰此史家之微旨也史記循吏與酷吏並書而其介於循酷之間者夫豈無人然未嘗涉筆及之此其故可思矣

或問明代山西蒲州設有潼關衛守禦千戶所以故楊博韓爌諸人俱載舊志茲何以削之曰就古代言潼關轄地

潼關縣新志

凡例

一

甚多獨載蒲州嫌涉於偏且異今制也

或問選舉例應列表茲獨不然豈有說乎曰表所以醒眉目約篇幅也然進士舉人爲數無幾而歲貢例貢之多不啻十倍依表填寫繁簡不倫反滋累贅故不爲也

或問藝文志例應詳注集部之顛末古人謂之目錄之學會稽張實齋曾言之今獨載詩文直同選體似非志乘所宜曰藝文與全志可以互相發明雖近選體聊備一格未嘗不可且志所以徵文獻也所謂文者該括甚廣豈以目錄畢其量歟拘泥言之毋乃不可

潼關縣新志目錄

卷之上

地理志第一

建置志第二

田賦志第三

官師志第四

卷之下

人物志第五

選舉志第六

兵事志第七

潼關縣新志

目錄

藝文志第八

潼關初志叙至康熙二十四年而止續志叙至嘉慶二十一年而止迄今百有餘年亟待續修矣往者友人甯子俞王省三張德安蓋嘗有志於斯卒以事未果今年夏予返自青門避暑象山因取初續兩志少加損益並附以近世之所聞見者畧序撰之成今志夫縣何以始始於有疆域城池也故志先地理作地理志第一有地理而後官署學校以次漸設則建置尚焉作建置志第二建置既定政事斯興田賦者政之大者也作田賦志第三田賦之中戶口繫焉教養之責維官師是賴作官師志第四官師立而教



化行地方之人物於是乎出作人物志第五人物之興其  
用世也進取殊途作選舉志第六選舉治平事也逮於亂  
世潼關爲三輔門戶固用兵者所有事焉作兵事志第七  
以上諸端不有記載胡垂久遠故終之以藝文作藝文志  
第八凡八篇一縣之事大略具矣雖然予於是竊有說焉  
夫志之果有重於世者何非以其備一縣之史耶同一人  
也胡爲而足彰既往同一事也又胡爲而不謬將來此非  
深明乎義法者又惡足以知之然所謂義法者得毋以易  
之言有物有序爲標幟乎而作者不此之求往往標奇飾  
美或肆志於浮誇或馳情於閎博縱足蔚爲偉觀其究協

潼關縣新志


目錄

二

於史裁者安在予竊以爲過矣間嘗總攬方志數十編排  
比而觀之聚訟棼如莫衷一是自漸譎陋識昧取裁亦惟  
兢兢於有物有序之指蘄無少戾焉斯已矣顧秉筆恩遽  
蒐羅未廣疏漏之譏知所不免繩愆糾謬則俟後之君子  
焉民國二十年九月下旬趙鵬超識

圖 景 湖 淮

省 西 山



比例尺 1:100,000  
 中華民國二十一年一月一日  
 (圖例說明)

主筆

趙鵬超

校對

徐國楨

王世傑

張晰哲

劉國棟

採訪

張之瀚

賈登霄

金璽

周啟文

潼關縣新志

目錄

三

地理志

粵稽潼關先名衝關言黃河自龍門衝華山而東故云後以關南有潼水改名潼關本禹貢雍州之域商爲桃林周爲畿內地春秋曰桃林寨屬晉晉候使詹嘉處瑕守之備秦戰國屬秦秦立函谷關去今關以東一百二十里皆其地漢武帝徙關新安嗣遷弘農衡山嶺又遷今上南門外隸華陰晉隸長安西魏隸華州後周改潼谷關隋復改潼關隸京兆大業七年徙南北連城關去今地四里唐先隸長安貞觀元年屬閩鄉天授二年移近黃河隸虢州宣應元年屬華陰是爲今地宋仁宗天聖二年爲鎮潼軍節度

潼關縣新志

地理志

一

地建炎二年金陷華州復爲潼關元因之明洪武七年設潼關守禦千戶所隸陝西都司九年設潼關衛隸河南都司永樂六年改隸中軍督都府清初屬西安府雍正二年裁衛設縣屬華州乾隆十三年裁縣置廳屬同州府民國復改爲縣隸省署治內境土胥沿屯衛舊制畸零錯落若梭若織若泐若繡若魚鱗若犬牙紛布閩鄉華陰間不可以廣袤道里計城圍一十一里二分高五丈東西北三方俱用磚砌東南西南兩方均跨原麓因勢增陴高出雲表俯視全城若巨艦之側倚海岸然門有六東曰迎恩西曰懷遠南門二上南門曰麟遊下南門曰鳳翽北門二大北

門曰鎮河小北門曰拱極南北水關閘樓二南七間北九間規制宏爽映照川原潼水經流其下貫城而過中間跨以石橋宛若長虹覆波往來稱名勝焉城外北濱黃河河之外即山西蒲州界東門外五里即河南閩鄉界西門外五里即華陰界南門外不數武即閩鄉華陰二邑地總計面積地止彈丸然形勢壯麗古稱天險東連鼎湖西接太華秦嶺障其南洪流繞其北所謂神明之奧區帝宅之戶牖百二之固信不誣也

山

象山

治西南俗名蝎子山上有田百畝曰黎家坪

潼關縣新志

地理志

二

鳳凰山

治西南

麒麟山

治東南有田千餘畝名曰上寨

筆架山

治東南

印臺山

治東南

牧牛山

城東南即武王放牛桃林處

秦嶺

城南三里

留翎山

城南三十里相傳墓楊伯起鳥去留翎處

龍文山

城南三里

原

董社原

城東南

麟趾原 自人高一大都湊也原舊無名以其盡頭處十村此亦

山故稱之曰麟趾云

佛壽原 城南二十里原舊無名以其灣環似

鳳翼原 自潼峪西北直達城內鳳

瑞村原 十城西南

金盆原 十城西南

孟村原 十城西南

河

潼河 源出潼峪貫城中北入黃河予謂按峪內之水則經

溝老戶城數處泉流耳漬菜絕佳馳名海內予意水量

潼關縣新志

地理志

三

吾鄉之陋也

黃河 自龍門而南轉折

楊家河 在西門外

峪

潼峪 水在峪內松果山之上東北注於河述征記所謂潼

荒渺又謂因西關有潼水改爲潼關亦謬予按潼關之

設屢經變更始遷今地其在古昔與今西關之水初無

水峪 十城西南

蒲峪 十城西南

麻峪 十城西南

關涉何得據益可以知其後由來改潼

太峪 城南四里

禁峪 城南三十里設險禁人往來者禁

車峪 在縣東北郭屯南為軍民所共有峪內有觀音菩薩

皆得入峪

夸父峪 在縣東廟底屯南二十里峪為軍民所共有毋庸

即此地北畢秋帆謂鄧林即桃林鄧桃音近蓋

溝

禁溝 綱目集覽云潼之右有谷平日禁人往來以

原望溝 城東門外源出劉果山南

泉

潼關縣新志

地理志

四

蠓眼泉 在城東北河

野狐泉 在西關道旁店後坡下舊

普濟泉 在西關前

馬鈞泉 在城東南三十里寺底屯唐太宗為秦王時駐兵

丈澄澈淵涵

湫泉 在望溝內上下凡數泉清

靈源渠泉 在蒿岔峪口龍王廟前出峪北流為原上二

缺乏池

渠

潼河渠 南門外灌地約百畝而弱向有成規茲不再贅

麻峪渠

源出峪內供麻峪口老虎城東太渡花寨等五村  
食用值水有餘上流村莊引以灌田約數十畝

太峪渠

二內細泉合流惟太峪口馬店居上等村第供食  
百畝其太要西堡障下堡障萬倉等村

已用而

善車峪渠

水出峪內南崖下寨等村食用有餘則善車口李  
家楊家東莊堡障等村食用有餘則善車口李

田約三百餘畝

東潼峪渠

各村爭水屢起訟現經公庭判決東渠分長  
流大股十分之六供上下小口等村食用  
灌田中渠分長流大股十分之四供卜家灣上寺  
底等村食用灌田西渠分長流細水一股供橋上張家  
村馬峰峪口安上

等村食用不灌田

泉鳩峪渠

源出峪內供峪口李家溝譚家溝上  
董屯四村食用軍民一體利益均霑

石橋峪渠

在縣東石橋屯南許先年因水興訟嗣經判  
決在縣東石橋屯南許先年因水興訟嗣經判

潼關縣新志

地理志

五

一日為週

棗鄉峪渠

在縣東上陽屯南渠由峪內龍王廟右引為東  
西兩渠西渠上流經河坡頭村四日上陽屯八日河東村三日  
東渠流經河東村上陽屯河坡頭村而止  
輪流兩次每月建河東

若遇小月限東

方庠渠

在城南東原北自原之南鑿渠引水東漢楊注四知夫子  
校書於原北自原之南鑿渠引水東漢楊注四知夫子

之池俗呼為硯水池

益民渠

民國十七年修由南水關外穿城而入沿西街抵  
北大街一繞西大街觀音堂巷口分兩支一經博愛街抵  
抵北大街同由馬王樓下匯歸北水關

古蹟

風陵堆

水經注之關之直北隔河有層阜巍然獨埕秀孤峙河  
陽世謂之風陵戴延之所謂風埕是也獨埕御覽作



堆又引戴延之西征記云伏羲女媧風姓也伏羲墓在  
肅州此當是女媧之墓九域志云女媧風姓也伏羲墓在  
河灘上屹然介河有木數株雖暴漲不漂沒也寰宇記  
云河東縣三里風陵是女媧之墓唐歷潼關口河灘上  
有樹數株雖暴漲亦不漂沒元二年六月號為女媧墓天寶十三  
年五月內大風吹失所在乾元二年六月號為女媧墓天寶十三  
晉光樹上言今月一日河上側忽聞雷曉見墳湧出關上有  
雙柳樹下有巨石各高二丈餘唐陸源媧皇墓辨關北  
大河中有灘出水可三丈餘立地維故墓在大河中水  
媧墓女媧煉石補天闕斷石立地維故墓在大河中水  
高與高水下與下蓋神之所扶也立祠於岸被沖沒祀  
典天寶十三年秋霖一日河汜濫其灘遂被沖沒祀  
至今無迹乃知前說皆謬耳關中陵墓志風陵在潼關  
東門外黃河北或曰黃帝相風后墓按平陽府趙城東  
有媧皇陵元州府志濟寧州東南有女媧陵而潼關之  
風陵則自唐稱祀典宋置守戶其事確鑿可據長源所  
云沖沒無迹或神  
之隱現有時耶

**黃帝廟** 在縣東七十里廟底屯之西二里許地名鑄鼎原  
湖繞其下史記黃帝採銅首山鑄三鼎於此鼎

**潼關縣新志** 地理志 六

成騎龍上升後世言帝王之崩曰鼎湖以此又按通鑑  
云帝崩後其臣左徹感思取衣冠几杖而廟祀之率諸  
侯羣臣屯歲以朝焉即  
此地也屯名以之

**砥柱石** 在黃河中高尺餘  
河泛漲其石愈高

**老君洞** 在城南口

**佛頭崖** 在城南三十里雲覆頂則雨關南名勝無逾此者  
惜在主持率多俗野不能為薜蘿生色斯亦山林之

不幸也

**桃林寨** 在華陰縣東北四十里左傳文十三年晉侯使詹  
嘉處瑕守桃林寨自函谷至斯高雲表幽谷邃

秘深林茂木白日成昏又名雲潼關三秦記云寨在長  
安東四百里元和郡國志寨在靈寶以西至潼關皆是

**魏城** 在關西四十里古城屯梁  
惠王十四年築以拒秦

**古城** 在南門外原上漢武帝建周文帝破  
竇泰於此改名潼谷關遺址尚存

潼亭 在城西五里改

三鱸堂 在城南董舍屯為楊伯起讀

黃卷 在黃河南岸近關處其坂隆起下望關城潘安仁西

一月丙寅車駕東行至黃卷庚午到弘農予按黃卷屢

見記載當係此間名勝然終莫能指其所在近乃詢之

鄉人始知在董舍屯俗謂之皂角坡去關頗遠舊說在

近關處或指古代而言關未遷徙故耶初志卷遠作巷疑

誤續志改之作

姚鸞屯 在城南十五里晉書義熙十三年檀道濟攻潼

屯大路以絕道 濟糧道即此

秦王寨 在城南三十里寺底屯壘上唐太宗為

貞觀塔 在城西內街 駐兵其上旁有馬鈞泉遺蹟猶存

潼關縣新志 地理志 七

觀王城 在城西五里遺址尚存俗呼養疾城西

泗州城 在城南三十里因泗

十二連城 在城南

雙古城 在城南三十里

韓福城 在黃河

金陵城 在城東

鳳鳴臺 在象山吐五色發

神鐘 在萬曆年間黃河流二鐘摩盪有聲銅鐘流

白蓮池 在麟山

九龍樹 在城南都龍王廟

三絕碑 傳在城內東街關岳廟碑刻關帝神像

明新書院 建在西街文廟前大講學處張公

盛氏別墅 明禮部尚書盛子寬建在關西泉店鎮園約百畝林泉佳美宗伯建紫氣亭於內自號紫氣山

人時與名流吟咏其間王漁洋秦蜀驛程記云憩泉店面屏風山秀冶欲滴其幽勝概可想見今則荒草粘天殘荷鋪地當年風景不堪復問矣

陵墓

風陵 見前風陵堆

楊太尉墓 關西五里後漢書楊震墓前俛仰悲鳴淚下沾地墓

畢飛去時人立鳥像於墓前

楊思訓墓 關西五里

潼關縣新志

地理志

八

觀德王墓 關西十里舊有唐中書岑文本碑今廢

北魏滎陽縣令楊祖興墓 關東七里屯西北

勅建忠烈輕車都尉盛德墓 關西五里

勅建盛文定公訥墓 關東五里

勅建盛太保子寬墓 關東七里予按盛太保與王大司馬位極人臣均未賜諡當由不久明亡

故耳

勅建忠烈指揮使關健墓 關東十里

勅建忠烈指揮使張潛墓 關東十里

大叅葛大紀墓 關南

給諫孫振基墓 關東三十里

大理卿張維任墓

關南原

大司馬王之臣墓

關西北焦家莊予按焦家莊地在朝邑

少司馬孫必顯墓

關東十里

忠烈指揮張爾猷墓

關西十里

方言

潼關俗語多存古音謂疾捷曰猥卽葩經揖我謂我猥兮是謂妯娌曰先後卽史記長陵女子降神於先後宛若是謂衣物之污曰浣讀若臥濁水之濁讀若稠門讀若蠻如此類者甚夥蓋地處周秦漢唐之舊猶有先民之遺風焉

風俗

潼關縣新志

地理志

九

潼關雖當秦晉豫三省之交然風俗之淳固稱自古昔近因鐵路已通事變日多娼妓縱橫良賤雜處更有奸人假乚斂財恣爲煽誘曾幾何時已非復當年之舊此其見端矣吾與二三同志曾制止之夫傷風敗俗小人之常也移風易俗君子之責也孟子曰我欲正人心熄邪說距詖行斯言也夫豈異人任哉

建置志

潼關舊係軍籍原屯一百九錯落靈寶閿鄉臨潼渭南華州華陰大荔朝邑郃陽澄城各州縣雍正二年以輸納不便裁衛改隸各州縣五年復設潼關縣仍以就近之閿鄉華陰各屯屬焉乾隆十三年裁縣歸廳仍縣制屯凡四十三各以村莊堡寨附焉予按有人民然後有公署學校祠廟各建設故以編屯先之

東鄉屯十四去城最近曰七里屯有小原寨三十里曰杜村屯

杜村南曰上董屯有南北郭村五十里曰高伯屯高伯東南曰

石橋屯六十里曰張村屯有夏儒村張村東南曰上陽屯有楊家寨

潼關縣新志

建置志

一

北溝堡七十里曰廟底屯營田屯八十里曰樓底屯九龍屯

下原屯楊家灣屯百里曰狼寨屯有南灘寨

東南鄉屯九去城二十里曰歇馬屯北有汾井楊家灣荒移寺角營楊家莊陶

家莊等村曰大留屯有留果西董辛莊等村曰東馬屯二十二里曰興邑

屯有巡底鄧家寨南午莊鄭家營老馬衛衛水門關等村二十五里曰董舍屯有蘇喜村

高家關姚子頭等村三十里曰寺底屯有萬倉小開峪卜家灣等村三十三里曰

馬店屯有太姚三頃鹿嶺麻峪峪口西莊頭保障等村四十里曰莊頭屯又新

增屯曰東莊屯去城二十五里其伏南陽麻莊西峪東底西閿六屯今廢以上俱

坐落閿鄉

西鄉屯十三去城十里曰潼西屯即弔橋屯三十里曰平洛屯

東有清泉 三十五里曰曲城屯 有趙平 迤北曰東册屯四

堡永清寨 十里曰白雲宮屯 東有康 西北四十里曰魚池屯 南有 又

西北曰古城屯五十五里曰長城屯 南有 五十里曰段村

屯七十里曰五里屯 南有甘 八十里曰敷水屯 北有姚女

頭堡柳 迤北八十里曰焦家社屯新增屯曰五橋屯 長城

峪口 去城五十里

西南鄉屯七去城十里曰金盆屯 有西 二十里曰王溪屯

有上下村 二十五里曰故真屯 有吳村梁家堡黎家莊 三

十里曰孟村屯 有段集朱家寨窪院子 阿彪屯 有通洛川

家園周家寨雙廟堡李家寨五 潼峪屯四十里曰蒲峪屯

戶張東西段曹上下中軍帳

潼關縣新志 建置志 二

東有靈峪西 其五方段峪中凸小漲瑞村

有宋家峪 諸屯今廢以上俱坐落華陰

縣政府 在縣城西街即前撫廳改爲之

財政局 設縣政府內

教育局 在大悲寺巷大悲寺內

公安局 在北大街舊三官廟

建設局 設縣政府內

救濟院 在管驛巷舊風陵司

農林試驗場 在西關

圖書館 在博愛街舊三聖宮前院

閱書樓 在西街文廟內之尊經閣

閱報樓

在西街呂祖廟之魁星閣

關稅監督公署

在西街舊都司署

予按永樂鎮舊有潼關巡檢公署房屋數十間雖經長老屢次言及卒無人爲之管理亦可惜也

特種消費稅分局

在東大街

菸酒稅分局

在東大街

電報局

在博愛街舊焦公祠及三聖宮後院

郵政局

在石橋

陝西長途電話潼關第一分局

在西門內舊文殊洞

商務會

在南大街舊馬王廟

潼關縣新志

建置志

三

孔教會

在北大街舊三官廟

佛教會

在西大街金陵寺

福音堂

在大同街

天主堂

在博愛街五嶽宮

大有倉

在博愛街

漏澤園

一在西關一在南門外

草場五

二在華陰一在閿鄉一在楊家灣一在西教場

教場二

一在滿城北一在西門外

舊志載潼商道副將都司儒學諸署及風陵司城守營陰陽學醫學僧綱司道紀司潼津驛遞運所今已廢姑

從略

高級小學校

在石橋北舊龍王廟

女子初級小學校

在北極巷北口舊文昌宮

民衆夜學校

附設圖書館

中區初級小學校七處

正東區初級小學校十四處

正西區初級小學校十處

東南區初級小學校二十四處

西南區初級小學校二十處

予按東西各國小學林立大率含有強迫性質吾鄉各

潼關縣新志

建置志

四

區學校不爲不多曾幾何時強半廢弛豈盡厄於兵荒  
哉母亦振興之不力乎今將舊有各校備載其數康對  
山所謂有興復者庶幾因而求焉司教育者其亦有概  
於中否耶

學田計共二十九頃有餘備詳續志反正後有夫已氏舞  
弊盜賣所餘者止一十一頃零一畝一分五釐耳今載於  
篇使鄉人共知之並將房產之屬於教育經費者一併附  
載於後

中區共地二頃三十畝零八分九釐

正東區共地一頃五十畝零五分



東南區共地二頃一十二畝四分

西南區共地三頃四十七畝三分六釐

大興寨共地一頃

閩鄉縣共地六十畝

房產少至一間多至數十間者計共一百一十五處舖基計共七段

風陵渡 在東門外

十里渡 在十里鋪

梁貞渡 在東楊家灣因傍有梁貞廟故名

潼津橋 在城中一名石橋

潼關縣新志

建置志

五

通津橋 在東門外

楊家橋 在西門外

清河橋 在城西北二十里大司馬王之臣建

天橋 在南水關

右任橋 在城內

文廟 在西街

啟聖祠 在文廟東廡東

名宦祠 在文廟戟門東

鄉賢祠 在文廟戟門西

尊經閣 在文廟內

關岳廟 在東街

城隍廟 在東街

社稷壇 在西門外

山川壇 在城東南隅

先農壇 在城東南隅

厲壇 在南門外

文昌宮 一在西街文廟東 一在北極巷北

呂祖廟 在西街文昌宮東

魁星閣 在西街呂祖廟內

忠孝節義祠 在西街儒學公署西

潼關縣新志 建置志

張少卿祠 在西街儒學公署東

焦公祠 在博愛街

龍王廟 在石橋

火神廟 一在南水關西 一在東大街

藥王廟 在象山東

紫陽洞 在象山上

禹王廟 在東門外

金陵寺 在西街

大悲寺 在東街

阿彪寺 在城南二十里

思存洞

在印台山半

予按祠祀之原則所以崇德報功故古者載諸祀典其與西人之鑄像崇拜何殊焉外此者鮮不涉於迷信然當神權時代或足以補刑政之所不及若在科學發明之際則與人群進化之程序不無阻礙予故於祠廟之未列祀典者多從缺略亦冀人之共喻斯意云爾

潼關街道糾紛頗難記憶茲定爲六街分註於下亦古人正名之意

- 一自東門至石橋定名爲東大街
- 一自西門至糧食集定名爲西大街

潼關縣新志

建置志

七

- 一自南門至魚頭口定名爲南大街
- 一自縣署後至石橋定名爲北大街
- 一自西街第一巷口至北大街定名爲大同街
- 一自西街觀音堂巷口至北大街定名爲博愛街

田賦志

明永樂二十二年傳諭守領諸兵解除戎衣各務農業遂有軍田之設錯落靈寶闔鄉臨潼渭南華州華陰大荔朝邑郃陽澄城等處原額三千三百一十八頃九十三畝清初因輸納不便改隸各州縣以坐落闔華二邑者屬潼關現存實地一千三百四十二頃零六畝五分七釐七毫

予按屯地原額三千三百一十八頃九十三畝除改隸大荔華州朝邑郃陽澄城等處一千七百八十九頃一十四畝七分一釐七毫臨潼渭南一百六十二頃二十九畝八分六釐靈寶三十頃六十二畝一分六釐合計一千九百

潼關縣新志

田賦志

一

八十二頃零六十七畝三分七釐外餘地一千三百三十六頃八十七畝七分三釐七毫並雍正九年首報地一十六頃三十二畝一分六釐四毫六絲應存地一千三百五十三頃一十九畝八分五釐三毫四絲有零乃續志載實存熟地一千三百五十二頃五十二畝三分七釐六絲已短六十七畝四分七釐五毫八絲今縣檔止存一千三百四十六頃零六畝五分七釐七毫視續志又短六頃四十五畝八分零六絲合前六十七畝四分七釐五毫八絲共短七頃一十三畝二分七釐六毫四絲查乾隆十三年豁免額外河灘地六頃五十畝二分嘉慶十八年豁免河灘

冲坍地六十六畝五釐二共七頃一十六畝二分五釐前所短少之數豈謂是耶然卽以此數加入反覆核算仍短二畝九分有零終不知其失遺於河時也姑存以俟考

屯糧原額徵麥米豆本色糧一萬四千五百五十四石六斗六合九勺三抄現存五千八百二十五石七斗六升八合四勺民國四年奉令改徵每石部定價庫平銀二兩八錢按一五改折洋四元二角共應改折洋二萬四千四百六十八元二角二分七釐除內有光緒二十三年華陰縣挑修河渠佔用屯地在造報請銷案內准免屯糧一石七斗八升九合五勺改折銀伍兩一分一釐又縣屬正西區

潼關縣新志

田賦志

二

太和堡於光緒二十九年被水冲淹報明奉委會勘案准緩徵屯糧五石三斗九升五合改折銀一十五兩一錢六釐二共銀二十兩一錢一分七釐按一五折合洋三十元一角七分五釐外實徵洋二萬四千四百三十八元零五分二釐

額徵屯糧地丁正庫平銀一千一百九十兩五錢七分五毫按一五折合洋一千七百八十五元八角五分六釐除內有光緒二十三年華陰縣挑修河渠佔用屯地在造報請銷案內准免地丁正銀三錢六分七釐又縣屬正西區太和堡於光緒二十九年被水冲淹報明奉委會勘案准

緩徵地丁正銀一兩一錢三釐二共庫平銀一兩四錢七分折徵洋二元二角五釐外實徵屯糧地丁正銀一千一百八十九兩一錢零五毫改折洋一千七百三十三元六角零六釐

額徵屯地丁一五耗羨庫平銀一百七十八兩五錢八分六釐按一五折合洋二百六十七元八角七分八釐額徵屯地丁二五平餘庫平銀二百九十七兩六錢四分三釐按一五折合洋四百四十六元四角六分四釐額徵屯地丁賠款差徭庫平銀四百七十六兩二錢二分八釐按一五折合洋七百一十四元三角四分二釐

潼關縣新志

田賦志

三

以上共實額徵正雜庫平銀二千一百四十一兩五錢五分七釐五毫按一五折合洋三千二百一十二元三角三分五釐

予按潼人屢受無妄之災無逾寄糧清初爲便民起見以屯地之在閩鄉去潼關較遠者卽令閩鄉代爲徵收其在華陰者亦如之名曰寄糧亦名曰寄莊糧猶俗言貨之有正莊外莊也年終時解交潼倉後改解交陝西藩庫計閩鄉解交原額二千四百六十四兩九錢二分九釐四毫三絲四忽四纖除荒實解一千六百一十三兩一錢二釐三毫八絲潼關與閩鄉舊志均經記載明白至差務則軍行

軍差民行民差兩不相混永爲定規乃人心不古枝節橫生在前清時閩鄉屢次妄攀軍人行差先後均經秦豫兩省長官批駁民國以來又復迭施故技潼人之痛心久矣不圖改革後並將解交藩庫之款亦復悍然停止民國二年陝西國稅廳咨催河南解交此款而河南咨覆改寄爲濟謂現在無力協濟云云及後陝西財廳據陝西財政說明書辨別清楚而河南省覆稱已將此款列入預算書不便更正等語以搪塞之延至十八年潼關民衆請將寄糧收回永息紛爭等情呈明陝西省政府經省府飭民財兩廳會議妥定辦法咨會河南省查明辦理而河南省來咨

潼關縣新志

田賦志

四

又謂潼關屯地是昔日潼關四大戶買種閩鄉地名曰寄糧現在河南採取屬地主義將此糧與地同歸閩鄉所有等語夫寄糧之設具有舊案可考乃竟恣意講張先後互易其說其爲遁辭不攻自破至華陰則更設狡賴之辭不曰寄糧而曰莊糧抑何詭也逞私臆而蔑公理莫此爲甚豈第倭奴之奪我東省矯詐百出已哉茲將閩華迭次妄攀行差碑記及潼人抵制華陰攀行差務呈文一紙附錄於後以備觀覽

### 閩民妄攀行差碑

順治十八年閩豪聚衆盜掠潼民亢廷相余自錫家事發

伊以催糧抵賴查其人并無欠糧復以攀差捏誣蒙上憲  
審直擬罪復欲將潼民立關東一里由閩管理蒙按院批  
潼關道查詳詳云潼關與閩鄉地則接壤界屬兩省軍民  
錯處有縣軍買種民田者亦有閩民租種軍田者皆名曰  
寄庄糧祇遵由單完納正賦由來久矣今閩民借端橫索  
聚衆打搶互相控讞曾經兩省會審擬罪茲閩鄉縣稱奉  
豫憲另立關東一里勢必軍爲催頭以應縣役潼縣軍差  
誰爲代之一身應兩地之役勢必不能况異鄉之人越境  
當差揆之情理亦覺難堪豈閩民有種軍地者亦肯赴關  
當差乎呈請憲臺咨豫停其分割仍照舊制移會准行飭

潼關縣新志

田賦志

五

令該縣准此出示曉諭士庶人等但有寄庄閩鄉民田者  
仍祇納正糧毋得錯違未便云云立石存案

碑在玉皇觀

閩民妄派河工碑

乾隆四十六年閩鄉典史以河工夫價妄派潼民申詳豫  
憲藩司李批云潼關寄庄向因隔屬豁免雜差自應仍照  
舊例辦理該典史率請攤征殊屬錯謬仰陝州州飭閩鄉  
縣遵照前檄辦理不得遽請更章云云立碑存案

碑在三官廟

華民妄攀行差碑

乾隆三十一年華民妄攀行差合縣士庶具控道憲屠批  
云軍人寄莊不隨寄籍行差定案已百年之久不便驟爲



更易等語又呈同州府林批候移潼關縣查明舊卷妥議奪隨蒙潼關縣移文內稱查潼關自明季以來原屬縣治百姓悉屬軍籍散處各州縣民地犬牙相錯軍人置買民地民人置買軍地自昔然也至於輸納糧項承辦差役軍不雜民民不雜軍順治十四年有卷可查雍正年裁衛改縣仍復如初乾隆年裁縣歸廳悉遵舊制現在華民種軍田者亦係一體完納并不聞潼民拉扯華民種軍田者於正賦之外復令行差何獨軍人種民田者不能邀免耶再乾隆三十三年大兵進剿金川軍台大差亦係軍民各辦寄莊不與有卷可查再潼自改隸後三分已去其二既欲

潼關縣新志

田賦志

六

於本籍征賦麥米豆草支供潼營兵餉復令於寄庄民田內再辦差務無論一身而應兩役辦理有所不支卽揆之情理亦屬偏苦敝廳以公辦公斷不敢存畛域之見惟體上憲軫念窮黎軍民一體至意相應仍遵舊制各行各差實爲妥洽申覆同州府潼關道批仍遵舊制不行寄庄差役刊示曉諭軍民悉知永遠遵守立石存案

碑在縣署

閩紳妄攀行差碑記

民國七年兵差過境閩紳率領軍隊拉去各屯大車二十八輛驢騾五十二頭聲稱按照該縣僱車辦法給價嗣後抗不照交十年六月又復施其故技突入楊家灣強拉車

輻牲口並毆傷多人當經潼紳電達豫省長官旋准閩鄉縣知事管咨內開奉河南省長張佳日電開頃據潼關紳董甯述俞等電稱閩鄉縣僱車局勾串巡緝隊在楊家灣強拉車輛牛騾橫毆村老王廣運張續暢命在旦夕私押王百酉王喜樓任意虐待懇請提究等情查所呈各節如果屬實殊堪痛恨仰卽查明迅覆核究等因文繁不及備載尾開此次大軍過境需車繁夥該楊家灣旣隸貴縣村民有車與否閩人絕不過問等語云云碑在楊家灣

潼紳爲抵制華陰攀行差務呈縣長文

呈爲妄攀行差無事自擾呈明原委懇祈鑒核事緣蒙傳

潼關縣新志

田賦志

七

諭奉兼座訓令內開案據華陰縣兵差局潘瑞徵等稟稱爲欺上禍隣苦樂不均懇請令飭潼關雜處華陰軍人按糧多寡一律供給支應等情並抄發原稟令行到縣飭紳等會議以便會商華陰縣妥議辦法等因奉此查潼民向係軍籍自前明永樂年間改屯歸農東西花插閩華兩縣各行各差歷數百年迄未更易且地小民貧又爲全省門戶首當其衝差使絡繹日不暇給兼之大軍往來集中於此平時支應恒倍他縣以故前清定章令大朝韓邵澄五縣協濟底車二十輛馬兩匹著華陰縣每年撥銀七千二百兩以供流差如遇兵差需車過多之時由潼商道酌量

飭北五縣另行協台是非優待潼民誠以不如此則差務貽誤而秩序必致擾亂耳改革後定章廢棄差使愈多潼民擔負日益加重上憲體念民艱兼恐貽誤軍事每遇大軍過境卽飭鄰縣協濟非獨華陰爲然也今該局紳等原稟謂潼關縣局既不支應車馬又不供給糧秣每遇兵差過境則以所屬二里半爲辭朦蔽上峰要求協濟貽害隣封等語夫潼關所屬僅二里半自昔有此名稱亦猶華陰向稱二十七里安得謂之朦蔽上峯乎卽此協濟而言上憲爲差務計爲大局計安得謂潼關貽害隣封乎該紳等原稟又謂潼民皆雜處華境凡各屯營堡寨概係軍人共計七十二屯並謂戶口糧項與華屬不甚相差更有軍人在華糧冊內附寄之糧約數千石各語查潼關七十二屯誠如所言蓋潼民一屯卽一村非如華民合數十村而始稱一里也西固坐落華陰東則坐落閩鄉有目共覩安得謂潼民皆雜處華境乎潼民戶口之少不必論矣卽以糧項而言潼糧共計五千八百餘石然除華民種潼地完潼糧如西王屯等共糧六百餘石潼華雜處如南孟屯等共糧五百四十餘石以各半計又當除二百餘石此外軍屯之內尙有華民潼糧者約計不下二三百石尙不在內又除閩民潼糧者一千餘石其實潼民完潼糧者不過三千

餘石而已其地之小可知其民之貧又可知查華陰之糧約近兩萬石安得謂與潼關不甚相差乎卽潼民間有寄糧華陰者爲數寥寥無幾而該原稟謂約數千石虛詞聳聽得不謂之朦蔽上峯乎其他誣稟更不足辨總之潼華旣分兩縣一民不支二差華陰不能妄攀潼民兼支華差猶潼關不能妄攀華民兼支潼差也蓋行政之區域向旣攸分轄民之權限自不容紊紳等公同商議合詞呈明原委懇請鑒核商同華陰縣知事仍遵向例各支各差旣不誤公又不擾民實爲兩便爲此謹呈縣長岳 王希曾擬稿

戶口初志未詳續志載嘉慶元年戶凡八百八十八

予按百字

### 潼關縣新志

#### 田賦志

九

疑係千字之誤

口凡三萬八千五百九十視乾隆三十年戶增一

百九口增七百七十一至嘉慶二十年戶八千七百五十口四萬三千八百六十五又據光緒三十二年鄉前輩編造鄉土志云道光以來戶視前增一百五十五口視前增八百七十二二十六七年間旱荒成災二十九年調查戶減三百二十五口減二千三百六十二咸豐中增加不多同治元年五年歷遭兵災民多逃亡至光緒初年戶口視前並未加多三四兩年又遭大禔戶口視前約減十分之四至二十六年生齒漸繁復被旱災二十七年又遭大疫幸蒙上憲賑濟多方戶口不至大減現在實地調查戶共

八千二百一十九口共三萬八千七百四十一此其大略也予按光緒三十二年至民國二十年中間相距二十五年灾患頻仍較前爲烈今查縣署案檔戶凡一萬零七百四十八口凡五萬零五百三十四人數陡增予甚疑焉蓋賞論之古者按丁出賦人多隱匿故常患其報少自雍正二年均丁於地永不加賦書吏每任意填寫故又常患其報多一縣如斯推之一省可知推之全國又可知矣果一核其實數吾不知作如何之悲觀然而今之國人猶侈然以四萬萬人自詡或且妄意其倍蓰於前者母乃作夢囈耶是可慨也

契稅全年比額洋一千元

印花稅全年比額洋去歲三千六百元今加至四千八百元

斗捐全年比額洋六百元

畜稅全年比額洋四百四十元

屠稅全年比額洋六百元

四境之內地質各異東鄉厥土惟壩砂厥田下下西鄉厥土白壤迤北斥鹵厥田中下南鄉厥土赤埴墳厥田下上蓋所謂瘠土歟

動物鳥獸之類亦云衆多然所能稱名者在在有之不足

異也故不贅及魚之屬性惟鯉爲最佳詩云豈其食魚必河之鯉蓋自古爲然矣

植物蔬有椿藍醬筍甘美天成聲稱宇內瓜有廟底西瓜萍實競芳果有北溝銀杏婆羅比美更有東區棉花冠絕一時秀絨風發艷色雪凝運至東方獨擅善價以故商人爭購之然不可多得也

鑛物佛頭崖下有銅鑛明時曾經開採封識宛然或云鑛苗尙未暢旺清季亦有鑛師勘驗樹石標記

西南牛角嶺或云有煤鑛民國十年有數人集資開採旋因資竭罷工是否有煤尙未知其究竟也

官師志

置關以來歷代官制皆不可考然以各關隘推之當無多官官之多自創建衛治始按明洪武七年設潼關守禦千戶所九年改潼關衛設指揮使四員揮同五員揮僉八員衛鎮撫四員千戶三十六員所鎮撫三員百戶五十五員五年考選甄別謂之軍政擇賢者一員掌衛印其佐貳皆由掌印提調正德間設兵備道一員萬歷間設分署西安撫民同知一員天啟間設道中軍一員崇禎間設副將一員中軍守備一員清初仍設兵備道一員設叅將一員標將一員爲道中軍分署西安府撫民同知一員教授訓導

潼關縣新志

官師志

一

二員大慶關永樂鎮風陵渡巡檢各一員部銓掌印守備一員左右所千總二員康熙十年改兵備道爲分守潼商道四十七年改叅將爲副將道中軍爲營中軍雍正二年裁衛汰去千總教授訓導設典史一員四年建滿城於西門外設守尉防尉驍騎校尉各數員驛丞一員裁永樂鎮巡檢改撫民爲理事並管旗民五年改縣設知縣教諭訓導驛丞典史六年設城守營把總十年改守備爲中軍都司乾隆三年滿兵撤裁理事及各旗員仍設撫民同知十二年裁驛丞大慶關巡檢十三年裁縣歸廳改爲同州府撫民同知裁教諭典史民國元年改廳爲縣設縣長一員

餘胥裁去總觀自明以來中間屢經變更地雖彈丸而官職複難倍徙他縣名氏之多不可勝記茲擇其事蹟彰聞者著於篇餘則等諸自檜匪獨從簡抑亦昭勸也

按明有教諭訓

導不知始於何時舊志未詳姑闕以俟考

### 守臣

後漢 薛 歐

晉 姚 鸞

梁 竇 泰

隋 王長諧

唐 建成世子 高仙芝 劉文靜 郭英乂 李日樾

### 潼關縣新志

官師志

二

駱元光 李元諒 盛彥古 張承範

宋 郭 浩 夏守贇

金 泥 寵 古 蒲魯虎

元 李思齊 伯家奴 商 嵩 哈刺不花 述律杰

何刺忒納失里 定 住

明 湯 和 馮 勝 康茂才 郭 英 郭 儉 郭

子興 蔣 貴 魏 贇 任 璽 黃 玉 王 永

祥 孫紹烈

清 李延齡 馬 勳 楚繼茂 王三俊 劉道揚 朱

國強 黃騰蛟 魯 明 黃燕贊 程福亮 楊宗



宗道 費雅達 二格 雷繼宗 楊勝 周文

英

清潼關營副將共八十人有事實可紀者四人歷代置守明設協鎮

清因之

劉得成 甘肅西寧人嘉慶元年由西安參將署任二年商南捻耳溝剿教匪陣亡

尹培立 雲南人武進士咸豐二年任防禦粵匪部署嚴密奉派出師湖南進剿石馬舖力竭陣亡後經

曾忠襄公請湘撫轉奏奉旨入祀大學士駱秉章祠

哈連陞 見藝文志

桂和 正白旗人宣統二年任三年反正城陷被執妻女戕於匪類閱日清廷派陸軍入城潼商道瑞

清迭請屠城公力爭之不以全家被害稍遷怒於人民也人至今稱之

潼關縣新志

官師志

三

印官

明指揮掌衛印共三十三人最著者一十六人

劉通 築城 馬騏 重繕城垣 姚厚 見人 姚深 見人 姚

琮 見人 姚勝祖 見人 張潛 見人 關健 見人 盛德

盛愈謙 陞南京前 盛以忠 見人 李文煥 見人 孫承宣

阮珞 修城樓 李繼祖 殉難 張爾猷 見人

清守備掌衛印共一十四人

明兵憲共六十人有事實可紀者二十七人

張稔 順天府薊州平谷人進士正德七年任建東西

擒斬三百餘人因令備兵潼關關之設兵憲自公始卒祀名宦

張問行 直隸大名府內黃人進士建院道署並

何鰲 浙江紹興山陰人進士建院道署並

宦 祀名 宦 祀名

周相 浙江寧波府鄞縣人進士修理巽宮又建東西

汪尙寧 徽州歙縣人進士繼周公相修巽宮又建東

然之日行李蕭 然祀名宦

聶豹 江西吉安府永豐人爲王陽明門人有直節時

尉是日玉皇觀風穴怒發白 畫晦冥人驚異之祀名宦

張翰 浙江仁和人進士治蹟最著多佚有關中詩十

兵擢潼關治兵使夷虜深入張瀚字子文杭州人明進

潼關縣新志

官師志

四

是存以一人不可 知存以俟考

邊詢 直隸任丘縣人進士法紀嚴峻揭叅暴橫之衛弁

瀆潼河夫役工食以闕官半俸 餘糧給之民戴其德祀名宦

范懋和 四川富順縣人進士莊敬肅毅除蠹役出贖金

間公悉蕩平暇則 校課諸生祀名宦

蔡可教 直隸成安縣人博洽經史月課諸生開講

蕭應宮 江蘇常熟縣人進士有清操時南山礦徒以千

宦名

甯化龍 直隸新安縣人進士剛斷明察有屯官加收耗

宦名

糧頗重公揭參之自是徵收乃平人感其德祀

詹思謙

浙江常山縣人進士文彬儒雅政簡

張惟新

河南汝州人進士著作甚富有經濟才治尚整

樓於麒麟山上常

常守信

河南磁州人進士慈良廉潔時值歲荒力請上

賑饑遷湖廣憲副

文球

河南固始縣人進

馮盛明

直隸涿州人進士肅毅嚴明力請兩臺增潼公

條編均以徭征銀僱役

黃和

山東兗州人進士清直剛毅屏絕餽貽衛弁臧

盜一嚴禁礦徒山

潼關縣新志

官師志

王應楫

山東安丘縣人性嚴正色笑不假中軍姚某私

葛如麟

山東德平縣人進士崇氣節多剔釐衛弁加收

贖緩風耗糧即斃斗級於杖下衙蠹不法者實杖不取

徐如翰

浙江上虞縣人進士剛

胡其俊

湖廣孝感縣人嚴毅清敏常按部車騎出門人

事例屯糧請折每石六錢韓城撫賊賞錢千緡與公

張維世

河南太康縣人進士風采峻厲有司畏之華州

合數百金為資斧送眷歸楚後得昭雪關

習孔化

江西南昌人兵備潼

巡視公茶馬藩臬以下皆由角門

進見公竟不面其直節如此

關江西廬陵人兵備潼

多善政祀名宦

丁啟睿

河南永城縣人進士英爽敏練公所屬不擾時關

米價騰踴官多私折米價公訪知置屯官於法令經

歷司掌冊屯官簽判日以收數具報領道封廩私

包鳳起

河南陽人進士靜化俗日講伊洛心傳

張宗孟

山西襄陵縣人進士性嚴峻培擊豪強不

喬遷高

山西襄陵縣人進士性嚴峻培擊豪強不

清兵憲共八十四人有事實可紀者二十二

湯斌

睢州人進士時值兵燹之後人鮮知學公至葺

化會二麥歉收民願以米代輸州縣吏格於成例公

力為申請兵民兼濟豫人恃公為鄉人欲使潼人之

潼關縣新志

官師志

六

孔興鈞

曲阜聖裔進士康熙十九年任值歲饑傾囊賑

不敢干以私嘗署藩篆冰操益勵二十二年卒

金培生

奉天正白旗人康熙四十年任蒞潼三載果於

十四年遷閩

王全臣

鍾祥人進士康熙五十八年以副使任先牧河

潼商道委辦西軍糧務優愛弁丁上信下悅過於卒

於任旅櫛蕭然西人無

張正瑗

桐城人舉人創

李均

夏縣人舉人乾隆十一年任

屠用中

孝感人舉人乾隆二十年任誠心愛民禱

卜祚光

山東日照人。翰林。乾隆十九年任。正直廉靜。徵收商稅。足額。止時。值金川之役。約束弁兵。

莫敢滋擾。重校。公餘。即以課士。追送不及。

吳延瑞

河南固始人。進士。乾隆四十年。勤。

德明

紅雲集。西門外。近人墳墓。作窰廠。者公知。工。督。乃得。無擾。丁憂。去。人。酒。滋。事。立。斃。

杖下。嚴。民。間。乃得。無擾。丁憂。去。人。酒。滋。事。立。斃。

廣厚

黃旗人。進士。乾隆五十六年。任。

崇福

白旗人。筆帖式。乾隆六十年。任。時。值。南山。教。匪。獮。大。兵。往。來。軍。需。龐。雜。兵。民。錯。處。公。嚴。飭。

官弁。始。無。滋。擾。又。增。置。文。廟。器。具。士。林。頌。之。

慶祿

黃旗人。進士。道光。年。任。

蔡宗茂

蘇州人。翰林。咸豐。四年。任。母。任。

潼關縣新志

官師志

呂雋孫

江蘇舉人。同治。八年。任。時。值。兵。燹。之。餘。書。院。荒。蕪。倡。捐。重。修。又。復。捐。廉。課。士。亦。亂。後。之。書。破。天。

也荒

唐沛霖

順天公軍功。光緒。四年。任。時。值。奇。荒。天。公。以。軍。功。代。賑。士。林。賴。之。廉。

劉志沂

江蘇人。進士。光緒。九年。任。不。絕。廉。加。課。膏。人。獎。從。士。優。士。林。頌。之。不。絕。廉。

文光

有鑲。黃旗。人。得。詩。最。盛。捐。款。設。立。義。塾。二。處。加。意。課。士。收。三。傑。舉。人。李。雲。程。第。六。聯。云。萃。升。終。有。題。屬。赤。帝。

安劉。以。卦。名。縮。合。全。題。工。力。悉。敵。拔。貢。李。曉。山。第。二。聯。云。從。今。休。說。項。自。此。定。安。劉。借。用。說。項。巧。不。可。階。

又某。有。句。云。休。說。項。自。此。定。安。劉。借。用。說。項。巧。不。可。階。他。碎。金。片。玉。美。不。勝。收。惜。不。能。記。憶。也。

魏炳蔚

湖南人。軍功。光緒。十四。年。武。廟。為。十。窮。民。散。冬。衣。給。棺。木。置。義。塚。又。軍。功。捐。重。修。武。廟。為。十。窮。民。散。冬。衣。給。棺。散。麵。善。政。紛。如。銀。生。息。年。節。道。

散。麵。善。政。紛。如。銀。生。息。年。節。道。

世 杰 鑲黃旗人蔭生光緒二十一年任惠士愛民為

前任魏公相髡鬣亦古之遺愛人也

譚啟瑞 字子雲貴州人翰林光緒二十七年任捐購書

石救濟奇荒尤汲汲以作育人材為先務挑選上舍

生二濟四時勤考課藻鑑獨精爾時予為諸生深

蒙賞識每見面時謂予與楊力山王省三張午山諸

人以闡必售己而獲雋者果四人一時播為美談予

是以知考試之不可廢也區區不足道然可以杜倖

進拔真材莫此若矣孫中山五權憲法採用考試足

為卓識予故觸類及之允

瑞 清 旂人宣統三年任九月反正城破後避匿商號

之乞兒塗面狀隨即喬裝薙鬚竄出城外接引清廷

陸軍入城力主屠城幸賴副將桂和爭之乃止予按

出瑞清之轍殆所謂難兄難弟歟夫以封疆重任而付諸

潼關縣新志

官師志

八

碌碌庸人宜乎清社之遽屋也予是以尤歎之

明撫廳共七人有事實可紀者二人

韓 霖 四川富順人萬曆四十七年任署潼關廳自公

薪給諸生雅好文學卒於官諸扶糶百里送之

王明福 河南府人理刑明允銜規整肅御衙役色笑不

假常署道人刑倉斗級着大履盜粟作蠹名曰通衢陋規始革潼人戴之杖於

清撫廳共七十九人有事實可紀者十九人

史颺廷 江南漂陽人進士康熙十三年任時值荒旱公施粥濟饑民大悅

翁世庸 浙江杭州府人時公署久廢公捐俸金創建廳署

紀虛中 文安人進士乾隆十三年任洛川饑公諭士民以汛舟之義施匾旌閭人皆慷慨樂輸潼津橋

洞壅塞久為民患公糾眾淪疏每歲定為成規豎石以記人沐其澤改縣歸廳自公始

楊馨沅 興州舉人嘉慶元年任崇文重士恤農惠商重

午公籌辦協宜民皆安堵  
去任日士民送者以萬計

虞友光 金壇人進士嘉慶十四年任為政以慈惠為心

有獄攀至數十人悉訊釋之罪止正犯民以不冤並  
刊遠罪條約頒行四鄉時有人寬法嚴之稱移鳳山

書院於西門內公餘即以課士置學田立教條  
自為碑記以老致仕不能歸門人捐助送之

向淮 大興人四川華陽人監生

張聰賢 安徽人翰林道光二年任創修考

石珩 道光五年任工書

李肇慶 山東人舉人道光十七年任

潼關縣新志

官師志

九

凌樹棠 安徽人舉人道光二十八年任重修文廟丕振

焉祀

孫治 四川人揚兵每夜親查盜匪匿城鑿

顧淳慶 浙江人舉子咸豐五年

王義樟 福建人進士咸豐七年任明

劉芬 安徽人拔貢咸豐十年任時值髮賊回匪外

橋以濟兼之辦城防運精餉積  
疾卒於華州旅廨民甚哀之

郎鶴鳴 直隸人附監同治十二年

俞叔良 甘肅人監生光緒三年任時大

楊翰霄 湖南人副貢光緒六年任出左文襄幕府性稍

僅見猶一記其挽內一聯情辭悱惻不愧才人吐屬錄  
之以見一斑聯云說甚麼宦轍追隨六七年冷廨同  
樓只落得胡笳吹愁羌笛寫怨九邊寒夜話牛衣遺  
佩猶悲湘浦曲慘是病疫癘殘毒十四日妝臺拜別  
盼不到弱女牽裾離兒結袂一陣  
昏風驚蝶夢歸魂應憾洞庭波

王

諷

福建人義樟子監生光緒十四年及十九年任  
其才與乃父大異每案詞訟經旬累月不能判

或己判而復訊意在研求精詳惟恐民冤而不能判  
云已坐受拖累傾家破產含冤無紀矣時謂之王二反

焦雲龍

山東長山人進士光緒二十四年任嚴保甲清

六年回任時值旱荒力疾至省請賑開倉躬親視察  
積勞成疾卒於任所潼民罷市巷哭立私祠者數處  
後經陝撫奏准生平  
政績宣付史館立傳

趙乃普

奉天人優貢光緒二十七年任  
才識明敏案無積牘時稱能吏

潼關縣新志

官師志

十

民國二十年縣長共二十餘人有事實可紀者二人

胡瑞中

湖北人舉人親賢禮士猶有老成  
典型雖在任未久越於俗吏多矣

王作舟

河南人性明決無甚學術顧善治盜匪微服偵  
探卒擒渠魁一境肅然可謂功高拔薤者矣

明教授共十三人有事實可紀者一人

許嗣復

北直人剛方正直教諸生必以忠孝道義癸未  
守南城城陷擊賊被殺妻女俱畀賊而死祀名

宦

清教授共十五人有事實可紀者一人

王廷璵

華州人廩貢初蒞任修葺宮牆衙署不越月而  
告竣篤守紫陽學說日與諸生講貫以躬行實

踐為期人沐其教如坐春  
風化雨中咸製錦頌之

明訓導共十三人



清訓導共 人有事實可紀者一人

馮 庚 涇陽人優貢性倜儻不拘小節無青毡寒  
儉氣後選四川西充縣知縣以循良稱

明道中軍共五人

清道中軍共五人

營中軍共四人

滿州守禦千戶共八人

潼關中右二所千總共九人

潼關營千總共二人

明知事共八人

經歷共十一人

潼關縣新志

官師志

十一

倉官一人

清知縣共四人

典史二人

大慶關巡檢 未詳

永樂鎮巡檢共三人

風陵渡巡檢共十一人

潼關驛驛丞共六人

守尉共二人

中軍守備共十九人

都司三共十九人

雍正十年改中軍  
守備設中軍都司

把總共十六人

潼關縣新志

官師志

十二

